



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/14-02-84/26-1
Sarajevo, 20.01.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-01-2026			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Dana 20.01.2026. godine održana je 42. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Zahtjev za izvorno – autentično tumačenje člana 4. Zakona o mikrokreditnim organizacijama (“Službene novine Federacije BiH” broj: 59/06), koji je u parlamentarnu proceduru uputila predsjednica Udruženja mikrokreditnih organizacija u Bosni i Hercegovini Elma Zukić, a koji je na Odbor zaprimljen 02.09.2025. godine i Izjašnjenje Vlade Federacije BiH vezano za izvorno – autentično tumačenje člana 4. Zakona o mikrokreditnim organizacijama, dostavljeno 26.11.2025. godine,
2. Inicijativa za donošenje Zakona o Federalnoj javnoj banci Federacije Bosne i Hercegovine, koju je pokrenuo Damir Nikšić, zastupnik u Predstavničkom domu Parlamenta Federacije BiH,
3. Urgencija Udruženja oboljelih od melanoma Federacije BiH
4. Informacija o zaključcima okruglog stola o liberalizaciji tržišta obaveznog osiguranja od automobilske odgovornosti, a koju je na Odbor dostavilo Udruženje društava za osiguranje u Federaciji BiH, od dana 01.12.2025. godine,
5. Prigovor na postupak direktne prodaje imovine TRGOCOOP d.d. Ljubuški i PETROL d.d. Ljubuški, koji je na Odbor dostavio Centrum M d.o.o. Posušje, od dana 17.11.2025. godine,
6. Predstavka upućena Poreznoj upravi Federacije BiH ispostava Cazin i kantonalni ured Bihać, a koju je na Odbor dostavio građanin Eldin Čajić, od dana 26.11.2025. godine,
7. Prijedlog građanske inicijative za planiranje budžetskih sredstava u Budžetu Federacije BiH za 2026. godinu – JP “Filmski Centar Sarajevo” d.o.o.,
8. Tekuća pitanja.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH (“Službene novine Federacije BiH”, br. 69/07, 02/08, 26/20 i 13/24), Odbor podnosi sljedeći:

IZVJEŠTAJ



Ad-1

Zahtjev za izvorno – autentično tumačenje člana 4. Zakona o mikrokreditnim organizacijama (“Službene novine Federacije BiH” broj: 59/06), koji je u parlamentarnu proceduru uputila predsjednica Udruženja mikrokreditnih organizacija u Bosni i Hercegovini Elma Zukić, a koji je na Odbor zaprimljen 02.09.2025. godine i Izjašnjenje Vlade Federacije BiH vezano za izvorno – autentično tumačenje člana 4. Zakona o mikrokreditnim organizacijama, dostavljeno 26.11.2025. godine

Nakon upoznavanja sa dostavljenim Zahtjevom za izvorno – autentično tumačenje člana 4. Zakona o mikrokreditnim organizacijama (“Službene novine Federacije BiH” broj: 59/06), koji je u parlamentarnu proceduru uputila predsjednica Udruženja mikrokreditnih organizacija u Bosni i Hercegovini Elma Zukić, a koji je na Odbor zaprimljen 02.09.2025. godine i Izjašnjenjem Vlade Federacije BiH vezanim za izvorno – autentično tumačenje člana 4. Zakona o mikrokreditnim organizacijama, dostavljenim 26.11.2025. godine, Odbor je jednoglasno podržao sljedeći

ZAKLJUČAK

Odbor podržava Izjašnjenje Vlade Federacije BiH utvrđeno na 61. sjednici Vlade Federacije BiH održanoj 17.11.2025. godine na kojoj je utvrđeno da su odredbe Zakona jasne i nedvosmislene i da nije potrebno davanje autentičnog tumačenja člana 4. Zakona o mikrokreditnim organizacijama, koju je podnijela Elma Zukić, predsjednica Udruženja mikrokreditnih organizacija u BiH.

Ad-2

Inicijativa za donošenje Zakona o Federalnoj javnoj banci Federacije Bosne i Hercegovine, koju je pokrenuo Damir Nikšić, zastupnik u Predstavničkom domu Parlamenta Federacije BiH

Uvodno izlaganje dao je Damir Nikšić, zastupnik u Predstavničkom domu i podnosilac Inicijative, Odbor je obavio diskusiju i jednoglasno podržao sljedeći:

ZAKLJUČAK

Odbor je razmotrio Inicijativu za donošenje Zakona o Federalnoj javnoj banci Federacije Bosne i Hercegovine, koju je pokrenuo Damir Nikšić, zastupnik u Predstavničkom domu Parlamenta Federacije BiH i uključit će se u ovu tematiku i dati svoj doprinos.

Ad-3

Urgencija Udruženja oboljelih od melanoma Federacije BiH i predstavnika inicijative “Glasaj za život”



Uvodno izlaganje dali su predstavnici onkoloških udruženja i iznijeli probleme i izazove sa kojima se susreću onkološki pacijenti tokom liječenja, te uputili apel i urgenciju za podršku Odbora za pomoć u procesu donošenja odluka koje se tiču njihovih života i zdravlja.

Odbor je obavio diskusiju, prisutni članovi su iznijeli svoja mišljenja, prijedloge i sugestije i jednoglasno podržali sljedeće

ZAKLJUČKE

1. Odbor podržava zahtjeve Udruženja onkoloških pacijenata u Federaciji BiH.
2. Odbor traži od Vlade Federacije BiH da pod hitno uskladi Budžet Federacije BiH za 2026. godinu sa članom 82. stav 5. Zakona o zdravstvenoj zaštiti Federacije BiH.
3. Odbor traži od nadležnog Federalnog ministarstva zdravstva da pristupi revidiranju i donošenju novih Listi lijekova Fonda solidarnosti FBiH i osiguravanju jednakih prava pacijenata u skladu sa Zakonom kao i omogućavanje jednakog tretmana i ostvarivanja prava svih pacijenata posebno onih sa rijetkim i teškim oboljenjima uključujući onkološke pacijente.
4. Odbor traži od Kolegija Predstavničkog doma Parlamenta Federacije BiH da donese zaključak u vezi s dodatnim finansijskim sredstvima koja su potrebna Zavodu zdravstvenog osiguranja i reosiguranja Federacije BiH u 2026. godini.

Ad-4

Informacija o zaključcima okruglog stola o liberalizaciji tržišta obaveznog osiguranja od automobilske odgovornosti, a koju je na Odbor dostavilo Udruženje društava za osiguranje u Federaciji BiH, od dana 01.12.2025. godine

Uvodno izlaganje dali su predstavnici Udruženja društava za osiguranje u Federaciji BiH i veoma detaljno upoznali Odbor sa zaključcima koji su usvojeni na okruglom stolu o liberalizaciji tržišta obaveznog osiguranja od automobilske odgovornosti.

Odbor je konstatovao da će nastaviti pružati podršku i saradnju Udruženju društava za osiguranje u Federaciji BiH, te raditi na regulaciji i pripremi boljih zakonskih rješenja koja će osigurati stabilnost i garantirati uslove za dalji razvoj tržišta osiguranja u Federaciji BiH s ciljem očuvanja stabilnosti sektora osiguranja u Federaciji BiH u saradnji sa predstavnicima Udruženja.

Ad-5

Prigovor na postupak direktne prodaje imovine TRGOCOOP d.d. Ljubuški i PETROL d.d. Ljubuški, koji je na Odbor dostavio Centrum M d.o.o. Posušje, od dana 17.11.2025. godine



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Odbor je razmotrio dostavljeni Prigovor na postupak direktne prodaje imovine TRGOCOOP d.d. Ljubuški i PETROL d.d. Ljubuški, koji je na Odbor dostavio Centrum M d.o.o. Posušje, od dana 17.11.2025. godine, te konstatovao da nije nadležan za rješavanje ove problematike i predlaže ovlaštenom pravnom zastupniku da pokrene neophodne sudske postupke za rješavanje ove problematike.

Ad-6

Predstavka upućena Poreznoj upravi Federacije BiH ispostava Cazin i kantonalni ured Bihać, a koju je na Odbor dostavio građanin Eldin Čajić, od dana 26.11.2025. godine

Nakon uvodnog izlaganja prisutnog podnosioca Predstavke gosp. Eldina Čajića, Odbor je obavio diskusiju i jednoglasno donio sljedeće

ZAKLJUČKE

1. Odbor daje podršku podnesenoj predstavi.
2. Odbor će predstavku proslijediti Federalnom ministarstvu finansija i Poreznoj upravi Federacije BiH na očitovanje s ciljem rješavanja u korist oštećenog građanina Eldina Čajića.

Ad-7

Prijedlog građanske inicijative za planiranje budžetskih sredstava u Budžetu Federacije BiH za 2026. godinu – JP “Filmski Centar Sarajevo” d.o.o.

Uvodno izlaganje imala je Ines Tanović – direktorica JP “Filmski Centar Sarajevo” koja je veoma detaljno upoznala Odbor sa prethodno dostavljenom Inicijativom.

Nakon uvodnog izlaganja, Odbor je obavio diskusiju tokom koje su članovi Odbora iznijeli svoje prijedloge, primjedbe i sugestije, te pristupili glasanju i donijeli sljedeće

ZAKLJUČKE

1. Odbor daje podršku Prijedlogu građanske Inicijative za planiranje budžetskih sredstava u Budžetu Federacije BiH za 2026. godinu – JP “Filmski Centar Sarajevo” d.o.o.
2. Odbor je istakao da je Vlada Federacije BiH već postupila po usvojenim zaključcima oba doma Parlamenta Federacije BiH kao i urgencijama nadležnih odbora i komisija domova Parlamenta Federacije BiH i izvršila korekciju Prijedloga Bužeta za 2026. godinu i povećala sredstva Filmskom Centru Sarajevo sa 250. 000 KM na 450. 000 KM.
3. Odbor predlaže JP “Filmski Centar Sarajevo” d.o.o. da prilikom planiranja budžeta za 2027. godinu blagovremeno dostavi svoju projekciju budžeta za 2027. godinu, kako na

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Odbor za ekonomsku i finansijsku politiku



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

nadležne odbore i komisije Parlamenta Federacije BiH, tako i Federalnom ministarstvu kulture i sporta i Federalnom ministarstvu finansija, kako se ne bi ponovili propusti i zanemarivanje Filmskog Centra Sarajevo.

PREDSJEDNIK ODBORA

A handwritten signature in black ink, appearing to read 'Admir Čavalić'.

Admir Čavalić